

四庫全書

經部

欽定四庫全書

經部

儀禮集編卷二十九

詳校官監察御史臣周元良

給事中臣溫常敘覆勘

總校官進士臣楊懋珩

校對官中書臣張曾效

謄錄監生臣徐鳳翔

欽定四庫全書

儀禮集編卷十九

龍里縣知縣盛世佐撰

公食大夫禮第九之一

鄭目錄云主國君以禮食小聘大夫之禮於五禮屬嘉禮

疏曰篇中薦豆六黍稷六盞庶羞十六豆此等皆是下大夫小聘之禮下乃別云上大夫八豆八盞又云

上大夫庶羞二十豆是食上大夫之法故知此篇據
小聘大夫也若然聘禮據侯伯之大聘此篇小聘大
夫者周公設經互見為義篇末云魚腸胃倫膚若九
若十有一下大夫則若七若九鄭註云此以命數為
差九謂再命者十一謂三命者七謂一命者九或上
或下者再命謂小國之卿次國之大夫也卿則曰上
大夫則曰下大國之孤視子男以此言之魚腸胃倫
膚皆七者謂子男小聘之大夫此公食序在聘禮之

下是因聘而食之不言食賓與上介直云大夫者若云食賓與上介則小聘使下大夫上介乃是士是以直云大夫兼得大夫聘賓與上介亦兼小聘之賓

敖氏曰此篇主言食小國小聘之賓蓋與前篇互見其禮也

公食大夫之禮使大夫戒各以其爵

疏曰此篇雖據子男大夫為正兼見五等諸侯大聘使卿之事故曰各以其爵也

敖氏曰云各以其爵則兼卿大夫言矣此蓋顧下經見上大夫之禮而立文也

郝氏曰使本國大夫告賓於館各以其爵敵者往通上下大夫言

張氏曰自此至饌于東房皆將食大夫戒備之事
上介出請入告

註曰問所以爲來事

疏曰大夫就賓館之門外賓使上介出請大夫所爲

來之事

三辭

註曰爲既先受賜不敢當

疏曰聘日致饗受賜大禮故今辭食不敢當之但受
饗之時禮辭而已至于饗食皆當三辭

敖氏曰食必三辭者重于燕也燕則再辭而許

賓出拜辱

註曰拜使者屈辱來迎已

大夫不答拜將命

註曰不答拜爲人使也將猶致也

賓再拜稽首

註曰受命

敖氏曰賓不言朝服可知也既對乃北面而拜

大夫還

註曰復于君

賓不拜送遂從之

註曰不拜送者為從之不終事

疏曰鄉飲酒鄉射戒賓遂從之而云拜辱拜送者以其主人先反不相隨故得拜辱拜送觀禮使者勞賓於門外侯氏再拜遂從之使者既不先反猶拜送者尊天子使故也

右戒賓

賓朝服即位於大門外如聘

註曰於是朝服則初時玄端如聘亦入於次侯

疏曰如聘者賓主設擯介以相待如聘時也賓在館拜所戒大夫即玄端賓遂從大夫至君大門外入次乃去玄端著朝服出次即位也

敖氏曰拜命之時賓固朝服矣於此乃著之者明其與聘服異亦因事而見之如聘謂賓入於次乃即位而主君之擯者亦三人也賓即位亦於西方東面介立於其東南北面西上

郝氏曰朝服即皮弁服即位于大門外即次也如聘

即位如聘時廟門外接西塾立也

姜氏曰註疏之說似有理但細玩經意如聘二字合屬下即位具爲句蓋賓朝服即位于門外言其與聘禮異而如聘即位具言其與聘禮同也具之言備承即位而言無不即位之謂具謂賓主擯介即位皆如聘禮備具也

即位具

註曰主人也擯者俟君於大門外卿大夫士序及宰

夫具其饌物皆于廟門之外

敖氏曰賓即位而主人之有司乃具者節也具如具官饌之具謂具其所當陳設之物也

張氏曰即位者待賓之人具者待賓之物

世佐案此節句讀當以註疏為正如聘者如其位面及設擯介之法也即位謂自公以下也具官各饌其所當供之物也燕禮告具而後即位此則即位乃具者食重于燕也

右即位

羹定甸人陳鼎七當門南面西上設扃鼐鼐若束若編
註曰七鼎一大牢也甸人冢宰之屬兼亨人者南面
西上以其為賓統於外也扃鼎扛所以舉之者也凡
鼎鼐蓋以茅為之長則束本短則編其中央

疏曰聘禮致飧與饗餼皆九鼎此亦一大牢而七鼎
者食禮輕無鮮魚鮮腊

敖氏曰甸人掌以薪蒸役外內饗之事故此時為陳

鼎也天子則外饗為之大牢而用七鼎以所食者乃下大夫也篇首雖言使大夫戒各以其爵而篇中則實主言下大夫耳陳鼎於庭少北而東西則當門陳鼎當門南面君禮也西上明為賓也設扃鼎在陳鼎之前於此乃言之者亦因而見之也若束若編亦謂七者皆科用其一耳此與若丹若墨之文意同

設洗如饗

註曰必如饗者先饗後食如其近者也饗禮亡燕禮

則設洗於阼階東南

疏曰引燕禮者欲見設洗之法燕與饗食同

小臣具槃匱在東堂下

註曰爲公盥也公尊不就洗小臣於小賓客饗食掌
正君服位

疏曰夏官小臣職云小祭祀賓客饗食如大僕之法
此諸侯之聘客饗食故亦小臣掌之也

敖氏曰匱盛盥水槃盛盥棄水也凡行禮其以槃匱

盥而不就洗者尊者一人而已有敵者則否不言簞巾文畧耳祭禮有槃匱必有簞巾

宰夫設筵加席几

註曰設筵於戶西南面而左几公不賓至授几者親設湑醬可以畧此

無尊

註曰主於食不獻酬

敖氏曰言此者嫌酒漿或用尊也

飲酒漿飲俟於東房

註曰飲酒清酒也漿飲載漿也其俟奠於豐上也飲酒先言飲明非獻酬之酒也漿飲先言漿別於六飲也

敖氏曰漿在六飲而曰漿飲亦猶醴在五齊而云醴齊之類也言俟者見其已在觶特俟時而設之耳

張氏曰食禮不獻酬設清酒以擬酌口故言飲酒漿人共王六飲水漿醴涼醫醢此云漿飲明是漿之一

種不兼六飲漿亦以醕口也註云漿飲載漿也疏云
載之言載以其汁滓相載故云載漢法有此名也

凡宰夫之具饌于東房

註曰凡非一也飲食之具宰夫所掌也酒漿不在凡
中者雖無尊猶嫌在堂

敖氏曰此所饌者謂豆簠簋也

右陳設

公如賓服迎賓于大門內大夫納賓賓入門左公再拜

賓辟再拜稽首公揖入賓從

敖氏曰此行禮於禰廟亦有每門每曲之揖不言者亦文省此說已在聘禮後不見者放此

張氏曰自此至階上北面再拜稽首言主君迎賓拜至之事

及廟門公揖入

註曰廟禰廟也

疏曰儀禮之內單言廟者皆據禰廟若非禰廟則言

廟祧又云受聘在祖廟食饗在禰燕禮又在寢是其

差次也

從句讀
節本

賓入三揖至于階三讓公升二等賓升

敖氏曰此下大夫與公升階之儀與卿同然則升階
尊卑之差不過一等此三揖與士冠禮者同與聘禮
者異

大夫立于東夾南西面北上

註曰東夾南東西節也取節於夾明東於堂

敖氏曰大夫亦兼上下者言也下大夫西面辟擯者及士位而在此耳東夾南即東堂南舍坵而取節於夾見其去堂遠也羣臣至是方即位於廟則是鄉者公亦不在廟明矣此其異於臣禮與士冠士昏禮主人皆先待於廟乃出迎賓

張氏曰此謂主國卿大夫立位並下文士小臣宰內官等皆從公入立於其位也

士立于門東北面西上

註曰統於門者非其正位辟賓在此

疏曰燕禮大射士在西方東面北上不統於門今統

於門者以賓在門西辟賓在此非正位故也

從揚氏圖節本

教氏曰立于門東宜東上而統於君乃西上者順其
本位之列所以見此非正位也西方北上門東西上
皆上左也聘時大夫士之位亦宜如是

小臣東堂下南面西上

教氏曰小臣者小臣正小臣師與其從者也

宰東夾北西面

註曰宰宰夫之屬也古文無南上

敖氏曰宰大宰也東夾北北堂下之東方也宰尊官於此乃見之者位定在後耳宰與羣臣同入以其位在內故後於在外者 鄭本此下有南上二字註曰古文無南上繼公案經文惟言宰而已是獨立於此也南上之文無所用之又以下文證之益可見矣蓋傳寫今文者因下文而衍此二字也鄭氏不察而從之

非是宜從古文

郝氏曰東夾北大夫立之北也

世佐案教說近是凡經單言宰者皆謂上卿執國枋者也大射儀云宰戒百官有事于射者聘禮云宰命司馬戒衆介是也東夾北於大夫所立之處為北也宰為大夫之長故立於此以北為上也教以為北堂下之東方則非矣

內官之士在宰東北西面南上

註曰夫人之官內宰之屬也自卿大夫至此不先即位從君而入者明助君饗食賓自無事

敖氏曰內官之士內小臣之屬也在宰東北少退於宰也此惟取節於宰則宰獨立於此明矣

世佐案內官之士周禮所謂奄士也南上明不與卿大夫序也

介門西北面西上

註曰西上自統於賓也然則承擯以下立於士西少

進東上

疏曰介統於賓而西上則擯統於君而東上可知承
擯是大夫又尊於士故知少進東上不言上擯者上
擯有事其位不定故不言

敖氏曰介位序於內官之後見其不從賓而入變於
聘時也上擯則隨公而入立於階下承擯紹擯亦隨
入立於士東少進負東塾北面東上

右迎賓

公當楣北鄉至再拜賓降也公再拜

疏曰公方一拜賓即降賓降後公又一拜

從集說節本

敖氏曰至再拜言其拜至之數也賓降之上不言公壹拜者文脫耳於公壹拜而賓降者急於答拜亦所以辟之

賓西階東北面答拜

註曰西階東少就主君敬也

擯者辭

註曰辭拜於下

拜也公降一等辭曰寡君從子雖將拜興也

敖氏曰公降一等辭止其又拜也公辭而賓猶欲拜故擯者復釋辭以止之而賓終不從命也君於臣乃拜至其禮太崇故答之亦與常禮異

世佐案曰上脫擯者二字以聘禮考之可見此辭拜之節皆與彼同唯賓必終拜於下為異

賓栗階升不拜

註曰自以已拜也栗實栗也不拾級連步趨主國君之命不拾級而下曰走

敖氏曰升不拜者以其終拜於公辭之後也栗階說見燕記

命之成拜階上北面再拜稽首

註曰賓降拜主君辭之賓雖終拜於主君之意猶為不成

敖氏曰拜下者臣也拜於上者賓也既升而命之成

拜所以賓之

郝氏曰君命拜不受拜下之禮也北面再拜稽首從君命也

右拜至

士舉鼎去鼎於外次入陳鼎於碑南南面西上右人抽局坐奠于鼎西南順出自鼎西左人待載

註曰入由東出由西明為賓也今文奠為委

敖氏曰去鼎亦右人也次序也次入鼎在西者先在

東者後也碑下脫一南字西南之南衍文皆傳寫者
誤也朝位君南面故陳鼎於內外皆順之鼎西每鼎
之西也順出以次而出也順出正禮也其或逆出由
便耳左人待載蓋各立於其鼎之東南面 鄭本委
作奠註曰今文奠為委繼公案後篇皆作委宜從今
文

郝氏曰士謂有司之屬舉鼎謂扛鼎入去鼎去鼎蓋
外大門外次入依門外之次碑在堂下庭中七鼎陳

於碑南皆南向如門外之次西上上賓也首牛次羊豕魚等橫陳而東右人左人謂二人共舉鼎前者在西為右後者在東為左鼎既陳右一人自西抽扃委於鼎西向南遂西出左一人立鼎東待升肉載俎也張氏曰自此至逆退復位言鼎入載實于俎以待設石本正誤云陳鼎于碑南南面西上脫一南字

世佐案監本碑下有二南字當從之鼎南面以西為右右人在鼎西故抽扃即奠於其西便也南順

言奠扃之法南北設之順鼎面也舉鼎之時扃橫加于鼎上及其奠之直設于鼎旁故云順出自鼎西謂右人奠扃訖即自鼎西而出也上云次入則出亦以次可知故不須言順出其或逆出乃著之以其變于初也敖氏分句不審遂以西南之南爲衍字過矣近山陰馬駟讀南順二字爲句與郝氏節解合義較優今從其優者

雍人以俎入陳于鼎南旅人南面加匕于鼎退

註曰旅人雍人之屬旅食者也雍人言入旅人言退
文互相備也匕俎每器一人諸侯官多也

敖氏曰雍人西面於鼎南陳俎俎南順旅人南面於
鼎北加匕匕北枋退蓋兼執匕俎者而言旅人其士
旅食與

郝氏曰雍與饗同俎載鼎肉熟于鼎載于俎故雍人
以俎入陳于各鼎南旅人南面立于鼎北匕削木為
匙以取肉于鼎也

大夫長盥洗東南西面北上

敖氏曰當盥者七人皆違其位而立於此也國君設洗當東雷於東夾南為少東洗之東南則又東矣郝氏曰大夫操七載肉者言長非一人也

序進盥退者與進者交于前

註曰前洗南

疏曰鄉飲酒鄉射賓盥北面則此大夫亦皆北面可

知

敖氏曰前者其立處之西也於洗南爲少東交於前不言相右可知也此可見經文之例矣

郝氏曰序進謂在北立者先盥盥卒仍退立進者與退者交于所立位之前

世佐案序進盥西面盥也凡盥主人於洗北南面賓於洗南北面此大夫於洗東西面盥辟主人也卒盥序進南面也

敖氏曰南面立于鼎後也匕出鼎實也

載者西面

註曰載者左人也亦序自鼎東西面於其前大夫七則載之

疏曰待載時在鼎東南面今大夫鼎北面南七之左人當載故序自鼎東西面俎當鼎南則載者在鼎南

稍東

從楊氏
圖節本

敖氏曰西面執俎以載也

魚腊飪

註曰飪熟也食禮宜熟饗有腥者

疏曰上云羹定恐魚腊不在其中故此特著魚腊飪也又曰國語云王饗用體薦體薦則腥矣樂記云大

饗俎腥魚是饗禮有腥也

從集說
節本

載體進奏

註曰體謂牲與腊也奏謂皮膚之理也進其理本在前下大夫體七介

疏曰進其理本在前者此謂生人食法故進本本謂

近上者若祭祀則進末故少牢云進末鄭云變於生

食是也

從楊氏
圖節本

敖氏曰體者三牲則右體腊其一純與言體而不言骨見其尊者耳牲體之數五其脊脅各三而皆二骨以並腊則倍之也少牢饋食禮曰腊一純而俎進秦註見鄉飲酒記

郝氏曰秦媵同皮也

張氏曰其載牲腊之體進其秦理之本使之向人體

七个者疏以爲當用右肘肩臂臑胝髀脊脅其左肘
爲庶羞下文十六豆二十豆是也

魚七縮俎寢右

註曰右首也寢右進髻也乾魚近腴多骨鯁

疏曰縮縱也魚在俎爲縱於人亦橫賓在戶牖之間
南面俎則東西陳之魚在俎首在右腹腴鄉南髻脊
也進脊在北鄉賓是取脊少骨鯁者以優賓也若祭祀
則進腴以鬼神尚氣腴者氣之所聚故少牢進腴是也

敖氏曰縮俎者首尾鄉俎之前後也

世佐案寢右者謂以魚之右體卧俎上也寢右而
右首則進鬻矣

腸胃七同俎

註曰以其同類也不異其牛羊腴賤也此俎實凡二
十八

疏曰牛羊各有腸胃腸胃各七四七二十八也
從集說節
本

倫膚七

註曰倫理也謂精理滑脔者

疏曰倫膚謂豕之皮革為之

敖氏曰倫膚者雍人所倫之膚也倫猶擇也

郝氏曰純肉曰膚割正曰倫

腸胃膚皆橫諸俎垂之

註曰順其在牲之性也腸胃垂及俎拒

敖氏曰橫諸俎者以其皆出於牲體故載於俎也與

牲體同言垂之見其長也不言其垂之所及者腸胃
與膚其長或異

大夫既七七奠于鼎逆退復位

註曰事畢宜由便也士七載者又待設俎

敖氏曰七奠于鼎謂加七于鼎上也位東夾南

右鼎入載俎

公降盥

註曰將設醬

張氏曰此下乃詳食賓之節爲賓設正饌賓祭正饌爲賓設加饌賓祭加饌賓三飯侑賓以束帛賓卒食凡七節而禮終賓出

賓降公辭

註曰辭其從已

敖氏曰公辭賓亦退而反位于階西於是小臣各執槃匱篋巾以就公盥

卒盥公宣揖壹讓公升賓升

註曰揖讓皆一殺於初

宰夫自東房授醢醬

註曰授授公也醢醬以醢和醬

疏曰案記云蒲筵常長丈六尺於堂上戶牖之間東面設之乃設正饌於中席已東自中席已西設庶羞也

公設之

註曰以其為饌本

敖氏曰示親饋

賓辭北面坐遷而東遷所

註曰東遷所奠之東側其故處

疏曰君設當席中故東遷之辟君設處側近也近其故處

敖氏曰辭時蓋東面於公之西辭者辭公親設也東遷所東遷於其所也所者謂醬之正位也公設之處於其正位爲少西必少西者爲賓當遷之故也遷之

者示其不敢當公親設之意且以為禮也下皆放此
郝氏曰公立設賓跪遷之醢醬宜居東賓為遷於其
所不敢煩公也

姜氏曰註疏以坐遷而東遷所為句文體與經義兩
皆未安當有脫誤闕之可也或曰所字當是卒字誤
文此二字合在下文公立之上其說近是姑存以待
參

世佐案遷而東者謂遷醬於公所設之東也所公

設之處也遷所者又言遷醬之法但易其故處而已恐其太東則失醬之正位也舊說皆以而東遷所為句非

公立於序內西鄉

註曰不立阼階上示親饌

疏曰君之行事皆在阼階上今近阼北者以其設饌在戶西近北今君亦近北是示親監饌故也

賓立於階西疑立

註曰不立階上以主君離阼也

敖氏曰序內西鄉主位也階西西階上之西也公與賓各俟於此與鄉飲酒之主人立於階東之意同公不立於阼階東者公尊也

宰夫自東房薦豆六設于醬東西上韭菹以東醢醢昌本昌本南麋藟以西菁菹鹿藟

註曰醢醢醢有醢昌本昌蒲本菹也醢有骨謂之藟菁藟菁菹也

疏曰周禮醢人朝事之豆八此用其六彼註云醢肉
汁也昌本昌蒲根也又云細切為齋全物若牒為菹
齋菹之稱菜肉通此經言菹不言齋者齋菹粗細雖
異通而言之齋亦得為菹也蔓菁即蔓青也

從通解
節本

敖氏曰六豆為二列內列自西而東外列自東而西
惟云西上者明外列統於內列也

士設俎於豆南西上牛羊豕魚在牛南腊腸胃亞之膚
以為特

註曰亞次也

敖氏曰當豆南者牛俎也羊俎之半也設俎之法每者必當兩豆欲其整也特在豕東

郝氏曰士宰夫之屬俎即前大夫七載之俎俎七設于六豆南南北二列始西北牛俎牛俎東羊俎羊俎東豕俎此北一列也又西南魚俎當牛俎之南魚俎東乾腊乾腊東腸胃北與豕對此南一列也二三并六惟膚俎接腸胃東獨設無并曰特

世佐案膚以為特註云直豕與腸胃東教云在豕
東郝云接腸胃東之三說當以教說為正以士
昏禮腊特於俎北推之可見

旅人取七甸人舉鼎順出奠于其所

註曰以其空也其所謂當門

教氏曰甸人加扃乃舉鼎其出也亦七先而鼎後

世佐案順出者先後依陳鼎之次也

宰夫設黍稷六簋于俎西二以並東北上黍當牛俎其

西稷錯以終南陳

敖氏曰東北上惟指黍當牛俎者言也錯以終者稷南黍黍東稷稷南黍黍西稷也上列之黍當牛俎則次列之稷當魚俎而後列南于魚俎之西也一簋當一俎則其位之疏數可知矣

郝氏曰炊黍稷為飯盛以六簋陳俎西食主穀西為上也

大羹滫不和實于鐙宰右執鐙左執蓋由門入升自阼

階盡階不升堂授公以蓋降出入反位

註曰大羹滑煮肉汁也大古之羹不和無鹽菜瓦豆
謂之饘宰謂太宰宰夫之長也有蓋者饌自外入為

風塵

疏曰宰以蓋出於門外乃更入門反於東夾北位也

從集說
節本

敖氏曰此大羹謂牛汁不和者以無肉菜尚質也以
五味調物謂之和周禮曰凡和春多酸夏多苦之類

是也凡涪皆不和經特於此見之自門入者涪在饗也士昏禮曰大羹涪在饗記曰亨于門外東方足以明之矣

公設之于醬西賓辭坐遷之

世佐案此遷涪之法蓋與醬同

宰夫設鉶四于豆西東上牛以西羊羊南豕豕以東牛
註曰鉶菜和羹之器

疏曰下記云牛藿羊苦豕薇是菜和羹以此鉶盛之

也據羹在鉶言之謂之鉶羹據噐言之謂之鉶鼎正
鼎之後設之謂之陪鼎入庶羞言之謂之羞鼎其實
一也

敖氏曰東上變於豆

郝氏曰鉶小鼎盛鉶羹和牲肉為陪鼎所謂腳腫曉
又謂羞鼎凡四牛二羊豕各一設當六豆西六簋北
也

飲酒實于觶加于豐

敖氏曰具饌之時則然矣言於此者為下文發之

郝氏曰飲酒即前俟於東房之飲酒至是實解加于

豐上

宰夫右執解左執豐進設于豆東

註曰食有酒者優賓也設于豆東不舉也燕禮記曰

凡奠者於左

疏曰案下文宰夫執漿飲賓興受唯用漿醕口不用酒今主人猶設之是優賓也此酒不用故奠於豆東

從楊氏

圖節本

楊氏曰上文飲酒漿飲俟于東房疏云酒漿皆以醕
口此又云漿以醕口不用酒今主人猶設之所以優
賓兩說抵牾不同又案下文祭飲酒於上豆之間魚
腊醬醕不祭夫魚腊醬醕不祭而祭飲酒則知酒以
優賓但賓不舉爾豈醕口之物哉當以優賓之義為
正

敖氏曰不授解者以未用也設于豆東者不主于飲

且後用之故不欲其妨

張氏曰凡奠者於左舉者於右鄉飲酒鄉射記皆有此文註以為燕禮記誤也

宰夫東面坐啟筮會各郤于其西

註曰會筮蓋也亦一一合郤之各當其筮之西

疏曰郤者仰也筮蓋有六兩兩皆相重而仰之謂之郤合故云一一郤合之各當其筮之西為兩處亦者亦少牢故少牢云佐食啟會蓋二以重設于敦南也

敖氏曰此六簋為三列每列之二會則各相重而卻
置于列之西故曰各卻于其西

郝氏曰簋蓋設則合之避風塵也至是啟會卻于簋
西空處云各者六簋六蓋也下而仰曰卻六簋二列
每列三蓋合而卻之各置于西

右設正饌

贊者負東房南面告具于公

註曰負東房負房戶而立也南面者欲得鄉公與賓

也

敖氏曰贊者所謂上贊也負東房負其墉也具謂正饌已具

公再拜揖食

註曰再拜拜賓饌具

敖氏曰再拜者欲賓食禮之也拜亦當楣北面

賓降拜

註曰答公拜

公辭賓升再拜稽首

註曰不言成拜降未拜

賓升席坐取韭菹以辯擩于醢上豆之間祭

註曰擩猶染也

敖氏曰此所擩者醢醢而下五豆惟云醢者省文耳
少牢饋食用四豆尸取韭菹擩于三豆是其徵也上
豆韭菹醢醢也祭於二豆之間少北此節見少牢下

篇

贊者東面坐取黍實于左手辯又取稷辯反于右手興以授賓賓祭之

註曰取授以右手便也賓亦興受坐祭之於豆祭也獨云贊興優賓也少儀曰受立授立不坐

疏曰此所授者皆謂遠賓者菹醢及鉶皆不言授者以其近賓取之易也引少儀者欲見贊興賓亦興之義

敖氏曰辯謂辯取於三盂先黍後稷不欲其雜也每

取黍稷皆以右手而實于左手既則反于右手也亦壹以授賓不言壹者其文已明也

郝氏曰東面坐簋西地空也

三牲之肺不離贊者辯取之壹以授賓

註曰肺不離者扞之也不言扞扞則祭肺也此舉肺不離而扞之便賓祭也祭離肺者絕肺祭也壹猶稍也

敖氏曰云不離者見其為切肺且明無舉肺也食而

舉肺脊者其肺則離之云壹者見其不再也必著之者嫌每肺當別授之也

張氏曰離而不殊留中央少許相連謂之離肺刲則切斷之故云不離祭離肺者必用手絕斷其連處刲肺則否故註云便賓祭也壹說文訓專壹廣韻訓合當是總合授賓使之祭如上文祭黍稷之例註云猶稍也下文註云每肺興受恐與經未合食禮本殺節文不宜如是其繁

賓興受坐祭

註曰賓亦每肺興受祭於豆祭

敖氏曰上言興授此言興受文互見耳

世佐案註云每肺興受非當以敖張二說為正

扱手扱上劔以柶辯擣之上劔之間祭

註曰扱以柶扱其劔菜也扱拭也拭以巾

疏曰此云上劔之間祭者著其異於餘者餘祭於上豆

之間此劔別自祭劔間

敖氏曰扱上鉶以柶謂以內列牛鉶之柶扱其鉶也
辯擣之者遂以柶擣三鉶也此四鉶皆有柶其擣之
則惟用其上者之柶與少牢饋食禮畧同上鉶之間
謂內列二鉶之間少北也

祭飲酒於上豆之間魚腊醬涪不祭

註曰不祭者非食物之盛者

敖氏曰魚腊屬於牲醬屬於豆涪屬於鉶故此雖設
之亦不祭蓋已祭其大則畧其細也不言腸胃膚者

在魚腊之下不祭可知

右賓祭正饌

儀禮集編卷十九

欽定四庫全書

儀禮集編卷二十

龍里縣知縣盛世佐撰

公食大夫禮第九之二

宰夫授公飯梁公設之于涪西賓北面辭坐遷之

註曰既告具矣而又設此殷勤之加也遷之遷而西
之以其東上也

疏曰知遷而西者以其加饌與庶羞並列也知梁東

上者下文宰夫膳稻于梁西是以梁在東為上也

從通

解節本

敖氏曰梁言飯者以賓主食之也北面辭蓋於公之左而少退上云北面坐遷與此文互見也遷之亦東

遷所

公與賓皆復初位

註曰位序內階西

疏曰上公設醬時立于序內賓立于階西此云公與

賓復初位故知公還在序內賓還在階西也

宰夫膳稻于梁西

註曰膳猶進也進稻梁者以簋

敖氏曰膳當作設字之誤也膳設聲相近由是誤云
郝氏曰穀以梁為大故公自設食以稻為善故宰夫
供膳食美曰膳梁西設于梁之西

世佐案設膳曰膳猶置尊曰尊布筵也稻謂之膳
者見其為食之美也

士羞庶羞皆有大蓋執豆如宰

註曰羞進也庶衆也進衆珍味可進者也大以肥美者特爲饗所以祭也魚或謂之膾膾大也唯醢醬無大如宰如其進大羹湑右執豆左執蓋

敖氏曰言執於蓋豆之間見其兩端也 案註曰唯醢醬無大者以經文云皆故言此以明之醢醬四醢及芥醬也

郝氏曰庶羞即下腳臠等十六品肴美曰羞品多曰

庶每品以一大鬻加豆上待祭曰大如脯之有橫職
少儀謂祭臚也蓋豆上蓋自門外入殺風塵也士執
庶羞之豆升階右執鐙左執蓋盡階不升堂與宰執
鐙同

世佐案先儒皆以蓋執豆三字為句唯郝氏以蓋
字為句執豆如宰為一句文義較長當從之

先者反之由門入升自西階

註曰庶羞多羞人不足則相授於階上復出取也

疏曰反之者以其庶羞十六豆羞人不足故先至者
反取之下文云先者一人升設於稻南其人不反則
此云先者反之謂第二已下為先者也

世佐案此節
疏監本誤作

註置諸先者反之之下而其發端仍有釋曰二
字故濟南張氏嘗疑之今以朱子通解訂正

敖氏曰先者即執腳豆者也既設腳豆則以次受其
餘於西階上而設之反者既往而復來之辭此文似
失其次而在是由門入則三牲與魚亦於門外雍饗
為之與

郝氏曰庶羞十六豆執不必多人先者進授又反取之最先一人堂上陳設又一人往來取豆授共二人也

世佐案先者反之四字敖氏疑其失次若移之于升自西階之下則得矣

先者一人升設于稻南簋西間容人

註曰簋西黍稷西也必言稻南者明庶羞加不與正豆併也間容人者賓當從間往來也

教氏曰先者一人士之長設腳者也設腳於稻南言其東西節也蓋西言其南北節也間諸蓋之西庶羞之東也

案註云必稻南者明庶羞加不與正豆併謂稻乃加食其位不與正饌併而庶羞又設於稻南明庶羞亦為加不與正豆併也併謂同為一處唯云正豆者以其器同也

世佐案上文設梁于涪西膳稻于梁西似相比而

設者然以此設庶羞之節推之則稻與滷東西相
去之節亦可見矣

旁四列西北上

註曰不統於正饌者雖加自是一禮是所謂羹載中
別

疏曰曲禮云左殽右載彼云殽骨體也此肉謂之羹
亦一也殽為正饌載謂切肉則庶羞分置左右此亦
正饌在東庶羞在西間容人是中別也

從通解
節本

敖氏曰云旁者見正饌之中席而此在旁也下文云賓坐席末取梁即稻而庶羞在稻南足以明之矣西北上謂腳豆在諸豆之西北也必西北上者放正豆之位亦變於席之所上也

郝氏曰正饌堂中庶羞偏西故曰旁十六豆為四列每列各四始西北為上屈折而東南

腳以東臄脰牛炙

世佐案腳臄脰註見聘禮牛炙炙牛肉也

炙南醢以西牛載醢牛鮓

註曰先設醢絳之以次也內則謂鮓為膾然則膾用鮓今文鮓作鮓

疏曰此云先設醢絳之以次而特牲註云以有醢不得絳也與此先設醢絳之以次違者大凡醢配載是其正而醢卑于載今牛羊豕載皆在醢下者直是絳之次非尊卑之列特牲以一有醢若絳之當醢在載上不成錯故不得絳少牢四豆羊載醢故得絳而錯

與此同也

敖氏曰此二醢為牛之炙載膾設也 案註云先設醢絳之以次也謂炙南之醢為炙而設故其次在載之上

鮓南羊炙以東羊載醢豕炙

敖氏曰此一醢為羊炙羊載設也

炙南醢以西豕載芥醬魚膾

註曰芥醬芥實醬也內則曰膾春用蔥秋用芥

教氏曰此一醢為豕炙豕載設芥醬為魚膾設也牛
三品二醢尊也羊二品一醢降於牛也豕亦二品一
醢而醢次於炙又異於羊也魚一而已其芥醬復先
於膾又異於豕也古人於食物之微亦以多寡先後
示尊卑之義則其精微周密之意亦可見矣

郝氏曰以上十六豆所謂旁四列也終魚膾始腳所
謂西北上也

衆人騰羞者盡階不升堂授以蓋降出

註曰騰當作騰送也授授先者一人

敖氏曰進羞而言騰亦取其自下而上之意衆人不升設者降於俎也以羞授先者一人先者每為設之所謂先者反之也以蓋降出惟謂衆人其先者之蓋則次者既授豆而受之并以出矣

世佐案衆人自先者一人而外也士騰羞者雖衆而升堂設之者唯最先一人而已其餘則以授于西階上也故先者一人不反其餘皆反

右設加饌

贊者負東房告備于公

註曰復告庶羞具者以其異饌

贊升賓

註曰以公命命賓升席

敖氏曰公擲者已再拜揖食故於此惟贊者升賓禮

不可褻也升賓之辭蓋曰吾子其升也

賓坐席末取梁即稻祭于醬涪間

註曰即就也祭稻粱不以豆祭祭加宜於加

敖氏曰坐席末者就加饌也取粱即稻言不反粱於左手也不祭于豆祭而于醬涪間者以其近也且別於正饌

張氏曰醬涪不得言加註偶誤粱是公所親設醬涪亦公所親設公設是饌尊處故祭粱不於豆而於此耳贊者北面坐辯取庶羞之大興一以授賓賓受兼壹祭之

註曰壹壹受之而兼一祭之庶羞輕也自祭之於腳
臠之間以異饌也

敖氏曰一壹同贊者壹以授賓賓兼壹祭之禮之節
當然也賓於黍稷牲肺皆壹祭之特於此發之耳祭
不言其所亦於醬涪間可知

張氏曰一以授賓者品授之也兼壹祭之者總祭之
也

右賓祭加饌

賓降拜

敖氏曰拜者為將食故也

公辭賓升再拜稽首公答再拜賓北面自間坐左擁篲
梁右執涪以降

註曰自間坐由兩饌之間也擁抱也必取梁者公所
設也之以降者堂尊處欲食於階下也

敖氏曰擁之者示其重也必取涪者飯則先啜涪故
特取之以降者為公立于堂已不敢坐食于席也必

以降者臣也

郝氏曰取梁涪二者公所親設食必歡涪涪正饌梁加饌兼取也

公辭賓西面坐奠于階西東面對

註曰奠而後對成其意也

張氏曰成其降食階下之意

敖氏曰公辭止其食於下也階西賓所以食之處也故於此奠之對者釋其所以降之意且從命也

西面坐取之栗階升北面反奠于其所降辭公

註曰降辭公敬也必辭公者為其尊而親臨已食侍食贊者之事

敖氏曰公不許其降食乃敢辭公為禮之節然也降而辭者亦以其臣也

世佐案反奠于其所者奠音于醬西奠梁于音西也

公許賓升公揖退于箱

註曰箱東夾之前俟事之處

郝氏曰公許暫退東廂俟賓食也箱廂通即夾室
擯者退負東塾而立

註曰無事

賓坐遂卷加席公不辭

註曰贊者以告公公聽之重來優賓

敖氏曰卷加席者北面坐而卷自末也公不辭以其
降等也若於朝君則辭而賓反之矣

張氏曰公聽之而不輕來所以優賓使不煩勞也

賓三飯以涪醬

註曰每飯歆涪以穀孺醬食正饌也三飯而止君子食不求飽不言其穀優賓

疏曰曲禮三飯主人延客食歲然後辯穀與此不同者此為禮食故先食穀彼大夫士與客燕食則先食歲故不同也又昏禮同牢云贊爾黍授肺脊皆食以涪醬皆祭舉食舉也註云皆食食黍也以用也用者謂歆涪啣醬而不食穀者此公食賓禮解體折節明

食穀可知彼豚解者皆不食故不食穀也云不言其
穀優賓者特牲少牢尸食時舉穀皆言次第此不言
者任賓取之是優賓也

宰夫執解漿飲與其豐以進

註曰此進漱也非爲卒食爲將有事緣賓意欲自潔
清

賓挽手與受

註曰受解

宰夫設其豐于稻西

註曰酒在東漿在西是所謂左酒右漿

教氏曰案左酒右漿弟子職文

郝氏曰設于稻西近賓右便取也

庭實設

註曰乘皮

張氏曰設之將以侑賓

賓坐祭遂飲奠于豐上

註曰飲漱

敖氏曰其祭亦於醬涪間

右賓食

賓 席 前 設 饌 圖

牖前

席 賓

大羹 醢醬

梁 稻 醬 飲 豐

飲酒 豐 屠 俎

本 麋 芻 俎 豕 俎 羊 俎 魚 俎

醢 羊 俎 脂 俎

牛 黍 稷 黍 稷

牛 黍 稷 黍 稷

牛 黍 稷 黍 稷

牛 黍 稷 黍 稷

牛 炙 醢 豕 炙 醢

臠 牛 臠 豕 臠 芥 醬

脚 牛 臠 羊 炙 魚 膾

公受宰夫束帛以侑西鄉立

註曰束帛十端帛也侑猶勸也主國君以為食賓殷勤之意未至復發幣以勸之欲用深安賓也西鄉立序內位也受束帛于序端

賓降筵北面

註曰以君將有命也北面於西階上

擯者進相幣

註曰為君釋幣辭於賓

世佐案註釋下幣字疑衍

賓降辭幣升聽命

註曰降辭幣主國君又命之升聽命釋許辭

敖氏曰辭幣者謂既受賜食不宜又辱賜幣也公於是降一等止其降且不許其辭賓即栗階升聽命也經似有脫文

降拜

註曰當拜受幣

公辭賓升再拜稽首受幣當東楹北面

註曰主國君南面授之當東楹者欲得君行一臣行

二也

退西楹西東面立

註曰侯主國君送幣也退不負序以將降

公壹拜賓降也公再拜

註曰賓不敢俟成拜

介逆出

註曰以賓事畢

賓北面揖執庭實以出

註曰揖執者示親受

公降立

註曰俟賓反

敖氏曰亦立于中庭

上介受賓幣從者訝受皮

註曰從者府史之屬

疏曰子男小聘使大夫士介一人而已此時已受賓幣故知訝受者是府史之屬也

右公以束帛侑

世佐案此章與聘禮醴賓之儀大畧相同

賓入門左沒雷北面再拜稽首

註曰便退則食禮未卒不退則嫌更入行拜若欲從此退

敖氏曰雷門內雷也沒雷庭南也拜者謝侑幣之賜

也沒雷而拜以公立於中庭也

張氏曰沒雷門簷雷盡處嫌謂貪食之嫌

公辭

註曰止其拜使之卒食

敖氏曰辭其拜於庭也

揖讓如初升

敖氏曰此三揖時公在中庭與賓三揖則是與聘禮者同矣云如初亦大畧之言也既升則介入復位

賓再拜稽首公答再拜

註曰賓拜拜主國之厚意賓揖介入復位

敖氏曰鄉也賓拜賜于庭南公辭之故成拜於此

賓降辭公如初

註曰將復食

賓升公揖退于箱賓卒食會飯三飲

註曰卒已也已食會飯三漱漿也會飯謂黍稷也此

食黍稷則初時食稻粱

敖氏曰鄉者三飯乃飲此凡三飯蓋九飯也九飯大
夫禮也後禮更端故與前三飯不相蒙食加飯而飲
漿則此所飲者其酒與

張氏曰上文宰夫設黍稷云啟會是簋兼會設之稻
梁不言啟會是簋不兼會故經以黍稷為會飯也

世佐案黍稷曰會飯別于稻梁之無會者耳敖云
減盥飯于會而食之故云會飯非

不以醬涪

註曰不復用正饌也初時食加飯用正饌此食正飯用庶羞互相成也後言涪或時後用

疏曰前文賓三飯以涪醬先言涪後言醬是先涪後此後言涪或容前三飯後用涪故作文有先後也

楊氏曰案註云初時食加飯謂食稻粱用正饌謂以肴孺醬食正饌也此食正飯謂食黍稷也但用庶羞則經無其文若可疑者據下文上大夫庶羞酒飲漿飲庶羞可也註云於食庶羞宰夫又設酒漿以之食

庶羞可也以彼證此恐此食會飯有三飲亦食庶羞
此註所以有互相成之義也

世佐案上文賓三飯以涪醬據其用之之序言也
此既不用之故惟據所設之序而言註疏說非是
挽手與北面坐取梁與醬以降西面坐奠于階西

註曰示親徹也不以出者非所當得又以已得侑幣
張氏曰公所親設賓亦親徹

東面再拜稽首

註曰卒食拜也不北面者異於辭

張氏曰前受脩出更入門北面拜其時欲辭退故北面此卒食禮終故東面

公降再拜

註曰答之也不辭之使升堂明禮有終

敖氏曰公拜亦西面于阼階下

世佐案公於是不辭賓下拜而已亦降答之禮取其稱也

右賓卒食

介逆出賓出公送于大門內再拜賓不顧

註曰初來揖讓而退不顧退禮畧也示難進易退之義擯者以賓不顧告公公乃還也

有司卷三牲之俎歸于賓館

註曰卷猶收也無遺之辭也三牲之俎正饌尤尊盡以歸賓尊之至也歸俎者實于筐他時有所釋故

疏曰案特牲及士虞尸卒食取俎歸于尸三个是有

所釋此無所釋故稱卷也

魚腊不與

註曰不言腸胃膚者在魚腊下不與可知也

右賓出歸俎

明日賓朝服拜賜于朝拜食與侑幣皆再拜稽首

註曰朝謂大門外

訝聽之

註曰受其言入告出報也此下大夫有士訝

右賓拜賜

世佐案拜賜之儀亦見聘禮

上大夫八豆八簋六鉶九俎魚腊皆二俎

註日記公食上大夫異於下大夫之數豆加葵菹蜩
醢四四為列俎加鮮魚鮮腊三三為列無特

敖氏曰豆加菹菹麋鷄簋加黍稷各一鉶加羊豕俎
加鮮魚鮮獸於膚之下如饗九鼎之次云九俎則四
四為列而特鮮獸

郝氏曰魚腊皆二俎謂乾魚乾腊外加鮮魚鮮腊為二也

張氏曰此下別言食禮之異者食上大夫之禮君不親食之禮大夫相食之禮大夫不親食之禮凡四事魚腸胃倫膚若九若十有一下大夫則若七若九

註曰此以命數為差也九謂再命者也十一謂三命者也七謂一命者也九或上或下者再命謂小國之卿次國之大夫也卿則曰上大夫則曰下大國之孤

視子男

疏曰云此以命數為差者案周禮典命公侯伯之卿三命大夫再命士一命子男之卿再命大夫一命士不命則諸侯之臣分為三等三命再命一命不命與一命同此經魚腸胃倫膚亦分為三等有十一有九有七則十一當三命九當再命七當一命若然惟有上下二文者以公侯伯之大夫與子男之卿同再命卿爵尊為上大夫爵卑為下則上言若九者子男之

卿也下言若九者公侯伯之大夫也故鄭云卿則曰
上大夫則曰下云大國之孤視子男者此經惟見三
命以下故鄭併論及之案周禮典命大國之孤四命
又大行人云大國之孤執皮帛以繼子男又云其
他皆視小國之君若然孤與子男同十三侯伯十五
上公十七差次可知

教氏曰其組數之同者又以此見尊卑也因言上大
夫以及下大夫蓋以足前禮未備之意

庶羞西東毋過四列

註曰謂上下大夫也

敖氏曰欲間容人也。腳當稻南若過四列則近於簋矣。西東西列東列也。先言西者上也。

張氏曰下大夫庶羞十六東西四行南北亦四行上大夫庶羞二十東西四行南北則五行

上大夫庶羞二十加于下大夫以雉兔鶉鴛

註曰鴛無母

疏曰案爾雅釋鳥云鴛鴦母郭氏曰鴛也青州人呼
曰鴛母莊子曰田鼠化為鴛淮南子云蝦蟇所化也
月令曰田鼠化為鴛然則鴛鴦一物也

張氏曰據經鴛鴦並列還是兩物

右食上大夫禮

若不親食使大夫各以其爵朝服以侑幣致之

張氏曰案聘禮聘遭喪主人畢歸禮賓唯饗餼之受
謂有死喪而致饗與食則賓不受之若疾病及餘事

不親食者其致之皆可受也

世佐案說見聘禮

豆實實于壘陳于楹外二以並北陳簋實實于筐陳于楹內兩楹間二以並南陳

註曰陳壘筐于楹間者象授受于堂中也南北相當以食饌同列耳壘北陳者變于食壘數如豆醢芥醬從焉筐米四

疏曰云南北相當以食饌同列耳者按上文正食之

時黍稷亦南陳今於楹間陳筐米亦南陳是正食及此饌陳是同列也云甕北陳者變於食者上文正食之時宰夫自東房薦豆六設于醬東西上陳之今于楹間二以併北陳故云變于食也菹醢各異物不可同甕故甕數如豆上大夫八豆則八甕下大夫六豆則六甕庶羞之醢同是醬類故使之相從但庶羞之醢更無別種宜同一甕芥醬宜亦一甕知有芥醬者以其有生魚故也上文上大夫八簋今乃生致之黍

稷宜各一筐稻粱又二筐故云筐米四

敖氏曰豆實在壘簋實在筐又皆陳于楹間皆變於食也南北異陳示不相統也

郝氏曰豆實道醢之屬簋實黍稷之屬豆主薦者自外陳而向北簋主食者自內陳而向南

世佐案楹外楹內南北節也兩楹間東西節也壘與筐南北之節異而東西之節則同

庶羞陳于碑內

註曰生魚也魚腊從焉上大夫加鮮魚鮮腊雉兔鶉
鴛不陳于堂辟正解

疏曰庶羞之內衆羞俱有鄭獨云生魚者以其歲爨
在牲不殺於此無矣雖有乾腊雉兔之等以生魚為
主也云魚腊從焉者雖無三牲之肉有乾魚腊可知
云上大夫加鮮魚鮮腊雉兔鶉鴛者以其下大夫七
鼎無鮮魚鮮腊上大夫九鼎加鮮魚鮮腊可知雉兔
鶉鴛亦生致之矣庶羞本在堂上正解之西今在碑

內故云辟正饌也不陳于碑南者以其本合在堂今宜近堂故在碑北

敖氏曰庶羞者醢四并魚膾與芥醬也不陳于上以牲在下宜從之庶羞主于牲肉也上大夫又加以雉兔鶉鴛此豆實也亦實于甕

庭實陳于碑外

註曰執乘皮者也不參分庭一在南者以言歸宜近內

疏曰庭實正法皆參分庭一在南而陳之昏禮記納
徵執皮者是也今云碑外繼碑而言是近北矣彼陳
于主人之庭擬與賓向外故近南此陳于客館擬與
賓入內故鄭云以言歸故在內也

敖氏曰此庭實不于西方參分庭一在南又不執之
皆變于食也

郝氏曰庭實皮馬之屬陳于碑外從其常處但無人
執

世佐案此庭實亦有執之者馬則牽之特其所陳之處異於常耳教及郝說皆非是

牛羊豕陳于門內西方東上

註曰為其踐汙館庭使近外

敖氏曰生歸之亦變於食陳於門西餼位也

郝氏曰牛羊豕鼎俎之實不殺故生致之

賓朝服以受如受饗禮

註曰朝服食禮輕也

疏曰歸饗餼時卿韋弁賓皮弁受此食禮賓朝服受不皮弁故云食禮輕

敖氏曰親食時朝服故此致者受者皆服之云如受饗禮則侑幣與食亦殊拜之

無賓

註曰以已本宜往

明日賓朝服以拜賜于朝訝聽命

註曰賜亦謂食侑幣

右致食禮

世佐案此禮亦見聘禮但此詳彼畧當參看

大夫相食親戒速

註曰記異于君者也速召也先就告之歸具既具復自召之

迎賓于門外拜至皆如饗禮

註曰饗大夫相饗之禮也今亡

教氏曰迎賓與拜至亦皆再拜

降盥

敖氏曰賓亦從降主人辭降賓對主人乃盥于洗南面卒盥一揖一讓升經不言文省也禮賓主敵則不設槃匱唯盥于洗耳

受醬涪侑幣束錦也皆自阼階降堂受授者升一等

註曰皆者謂受醬受涪受幣也侑用束錦大夫文也降堂謂止階上

敖氏曰降堂升一等等中等相授也不受于堂辟君也

中等相受異于士也大夫之家亦惟三等於此見之矣考工記言天子堂崇九尺以是差之則公侯伯七尺子男五尺大夫士皆三尺也士冠禮賓受冠降階一等

世佐案大夫之堂五尺士三尺見禮器一尺為一等降堂升一等是間三等相授也教說非

賓止也

註曰主人三降賓不從

疏曰以主人降堂不至地故賓止不降也

張氏曰註言三降不數降盥者盥時賓亦從降自如常法也

賓執梁與音之西序端

註曰不敢食于尊處

敖氏曰亦為主人立于堂故不敢食于席也其尊敵故但辟之於堂上而已梁不擁亦降于君

主人辭賓反之

敖氏曰云反之明不對也此下當有辭於主人降一等主人從十字蓋傳寫脫之

卷加席主人辭賓反之

敖氏曰卷加席亦謙也辭則反之敵也

辭幣降一等主人從

註曰從辭賓降

敖氏曰辭而降一等為恭也從者辭其降且不許其辭

受有幣再拜稽首主人送幣亦然

註曰敵也

疏曰案郊特牲云大夫之臣不稽首非尊家臣以辟君也又案左氏傳哀十七年公會齊侯盟于蒙孟武伯相齊侯稽首公拜齊人怒武伯曰非天子寡君無所稽首若然臣于君乃稽首平敵相施當頓首今言敵而稽首者以食禮相尊敬雖敵亦稽首與臣拜君同故也

敖氏曰著之者主人非君嫌不必稽首

世佐案此受侑幣當于兩楹之間與公食大夫受幣當東楹者異經不言者文不具

辭于主人降一等主人從

註曰辭謂辭其臨已食

敖氏曰從者亦辭其降且許之此謂再入而辭者也然則初辭亦有此文明矣又公食禮有賓再入之拜上經乃不見其異者則是大夫禮無此拜也

卒食徹于西序端

註曰亦親徹

東面再拜降出

註曰拜亦拜卒食

敖氏曰拜不當階又不北面亦變于前主人亦于阼階上西面答再拜也

其他皆如公食大夫之禮

疏曰云其他謂豆數俎體陳設皆不異上陳但禮異

者謂親戒速君則不親迎賓公不出此大夫出大門
公受醬涪幣不降此大夫則降也公食大夫大夫降
食于階下此言西序端上公食卷加席公不辭此則

辭之皆是異也

世佐案此疏監
本亦誤作註

敖氏曰他謂在公食禮中而不見于上者也然上禮
所不見者亦未可盡與公食禮相通經云皆如者大
約言之耳又此不別見所饌者之異則是俎豆之屬
亦皆如公食者矣蓋大夫此禮為公而舉故其饌放

之而不嫌與之同也大夫祭其宗廟惟用少牢且于其始也不敢純用朝事之豆則此食禮之意可見矣張氏曰降而盥侑用錦降辭幣時主人從而辭降受幣時主人稽首送幣降辭主人主人從降卒食徹于西序端不拜階下亦皆異于公食者

右大夫相食禮

世佐案聘禮云大夫于賓壹饗壹食上介若饗若食此亦主國待賓之禮放公食而為之故附于其

後云

若不親食則公作大夫朝服以侑幣致之

註曰作使也大夫有故君必使其同爵者為之致禮

列國之賓來榮辱之事君臣同

敖氏曰不言其禮者與公致食之禮同可知

賓受于堂無僂

註曰與受君禮同

敖氏曰言此者嫌或與君禮異也賓受大夫餼不于

堂故明之

右大夫致食禮

世佐案此亦見聘禮

記

不宿戒

註曰食禮輕也

郝氏曰不宿戒當日戒也

戒不速

註曰食賓之朝夙興戒之賓則從戒者而來不復召
不授几

註曰異于醴也

疏曰決禮賓時公親授几也

無作席

註曰公不坐

亨于門外東方

敖氏曰門外廟門外也門外東方雍爨在焉

司宮具几與蒲筵常緇布純加萑席尋玄帛純皆卷自末

註曰丈六尺曰常半常曰尋純緣也萑細葦也末經所終有以識之必長筵者以有左右饌也今文萑皆為莞

疏曰云丈六尺曰常半常曰尋者據周禮考工記及長尋有四尺崇于人四尺車戟常崇于及四尺之文而言也上陳饌之時正饌在左庶羞在右陳饌雖不

在席上皆陳于席前當席左右其間容人故必長筵也

教氏曰蒲筵而加莞席美者在上也筵常而加席尋是加席之度必半于其筵于此見之矣莞小蒲也

加莞席鄭本莞皆作萑註曰今文萑皆作莞繼公案司几筵云諸侯祭祀席蒲筵績純加莞席紛純是蒲筵之上宜加莞席也而萑乃葦屬其為物麤惡故司几筵唯于喪事則用萑席焉似不可用之于此禮也

宜從今文皆作莞

郝氏曰捲席者自下為末舒席者自上為本

世佐案几彤几也萑當從鄭本教改作莞則上下大夫何別乎

宰夫筵出自東房

註曰筵本在房宰夫敷之也天子諸侯左右房

郝氏曰司宮具筵于東房宰夫設之故自東房出

賓之乘車在大門外西方北面立

註曰賓車不入門廣敬也凡賓即朝中道而往將至下行而後車還立于西方賓及位而止北面卿大夫之位當車前凡朝位賓主之間各以命數為遠近之節也

疏曰云凡賓即朝中道而往者內則云男子由右女子由左車從中央故賓乘車中道云車還立于西方者少儀云僕于君子始乘則式君子下行然後還立註曰還車而立以俟其去是還立于西方鄉外云賓

及位而止北面者玉藻云賓立不當門彼亦謂聘使也云卿大夫之位當車前者大行人云上公立當軹侯伯立當前疾子男立當衡又云大國之孤朝位當車前者則卿大夫立亦與孤同一節燕云大夫者小聘曰問使下大夫立與孤卿同當車前故連言也云凡朝位賓主之間各以命數為遠近之節者大行人云上公朝位賓主之間九十步侯伯七十步子男五十步註云朝位謂大門外賓下車及王車出迎所立

處又云凡諸侯之卿其禮各下其君二等以下及大夫士皆如之是臣亦各依其君命數而降之故鄭總以命數言之也

從通解
節本

敖氏曰唯云賓之乘車在此則上介以下之車不然矣車北面立者俟賓之出宜向之云立明其不說駕郝氏曰賓之乘車謂大夫所乘入朝之車曲禮客車不入大門覲禮偏駕不入王門臣子及朝門外下車則還車北向不稅駕立以俟也西方賓位也

張氏曰經文北面立者指其車而言前經賓朝服即位于大門外如聘是下行入俟于次矣則所云立當車前者何時乎此段註疏未能詳俟質

世佐案立當車前謂旅擯之時也當遙當之也蓋賓至大門外西方下車入于次及擯者出請事賓出次步進直闌西北面立是時賓主之間相去七十步五十步三十步不等車在西方北去門之節亦如之賓于車東東西相望當車前也以聘禮及

周禮大行人註疏參之自見張云未詳蓋偶未之考耳

鉤芼牛藿羊苦豕薇皆有滑

註曰藿豆葉也苦苦茶也滑莖莖之屬

疏曰士虞記云鉤芼用苦若薇有滑夏用葵冬用莖
鄭註云莖莖類也乾則滑夏秋用生葵冬春用乾莖
此經云皆有滑不言所用之物故取彼記解之云之
屬者其中兼有葵也

敖氏曰案內則曰堇苴粉榆兔莞滫瀡以滑之故註以滑為堇苴之屬

郝氏曰鉶和羹之鼎羹有菜曰芼苦甜菜薇細豆苗滑味之滑利者猶今人以豆粉和羹之類

贊者鹽從俎升

註曰俎其所有事

敖氏曰贊者之所有事于賓者簋俎庶羞之祭也而俎先二者而設故從之以升

張氏曰贊者佐賓祭故盥升以待事

簠有蓋冪

註曰稻梁將食乃設去會于房蓋以冪冪巾也

郝氏曰簠以盛稻梁前云宰夫坐啟簠會是簠有蓋而不言簠蓋于此記簠亦有蓋有冪但黍稷先設用而稻梁後設不用耳

凡炙無醬

註曰已有醎和

敖氏曰凡凡三牲也此庶羞于三牲之炙皆為設醢
唯魚膾乃用芥醬是凡炙無醬矣不言齎者如炙可
知

郝氏曰凡炙謂牛羊豕炙炙宜乾食故不設醬

上大夫蒲筵加萑席其純皆如下大夫純

註曰謂三命大夫也孤為賓則莞筵紛純加繅席畫
純也

疏曰經云上大夫不辨命數則子男之卿再命其席

亦同下大夫鄭言謂三命大夫者欲見公侯伯之卿
三命亦與子男下大夫同公之孤四命其席則異案
周禮司几筵云筵國賓于牖前莞筵紛純加繅席畫
純與此記三命已下席不同故知彼國賓謂筵孤也
無正文故云則也

世佐案此記上大夫加席之異也萑當從今文作
莞鄭本作萑則與下大夫無別何以復記為下大
夫用萑上大夫用莞莞美于萑也皆皆筵與席也

莞席不用紛純而亦用玄帛純者下君也據周禮
司几筵天子諸侯之莞筵皆以紛為純紛白繡也
又此上大夫兼孤卿而言註誤司几筵云筵國賓
于牖前國賓謂諸侯來朝者耳鄭以孤卿大夫當
之亦誤

卿擯由下

註曰不升堂也

張氏曰此謂上擯于堂下詔賓主升降周旋之事而

不升堂

上贊下大夫也

註曰上謂堂上擯贊者事相近以佐上下為名

敖氏曰上贊即經所謂贊者也以其佐賓食于堂上故云上贊蓋對堂下之擯者而言也擯贊者事相近故以上下通之此以下大夫為之者欲其不尊于賓郝氏曰卿謂上大夫擯贊禮者卿擯謂食卿之擯凡賓主升降行禮擯贊之食卿則擯立堂下有事由下

升其立堂上贊禮者食下大夫之擯也

張氏曰堂上之贊以下大夫為之擯佐于堂下贊佐于堂上故曰事相近言其相終始也

世佐案此二句是言主國擯贊之法不因賓之尊卑而異郝說非是

上大夫庶羞酒飲漿飲庶羞可也

註曰于食庶羞宰夫又設酒漿以之食庶羞可也以

優賓

疏曰上經云上大夫庶羞二十豆此復記之者欲見
上大夫食加飯之時得兼食庶羞其時宰夫更設酒
飲漿飲以優賓也

從通解
節本

郝氏曰公食下大夫酒飲進于設正饌之時漿飲進
于賓三飯之後如食上大夫加庶羞為二十則酒飲
漿飲再設以酒漿食庶羞可也

張氏曰前經下大夫不言食庶羞言飲漱不言飲酒
亦其禮之殊者

世佐案此句疑有脫誤當闕之

拜食與侑幣皆再拜稽首

註曰嫌上大夫不稽首

敖氏日記此于上大夫之後恐或是為彼言之若然亦長語矣此篇中見上大夫禮之異者俎豆盥劍之加耳其他不見之則皆如下大夫禮可知固無不稽首之嫌也又何必贅言之哉

張氏曰雖上大夫必執臣禮故記特明之

世佐案此蓋記賓明日拜賜之禮然已見於經矣
簡編斷缺故重出于此而逸其上下文


劉氏敞曰食禮公養賓國養賢一也親之故愛之愛
之故養之養之故食之食而弗愛猶泰之也愛而弗
敬猶畜之也饗禮敬之至也食禮愛之至也饗為愛
弗勝其敬食為敬弗勝其愛文質之辨也公使大夫
戒必以其爵恭也已輕則卑之已重則是以其貴臨
之也賓三辭聽命言是禮之貴弗敢當也弗敢當故

難進也公迎賓于大門內非不能至于外也所以待
人君之禮也臣之意欲尊其君子之意欲尊其父故
迎賓于大門內所以順其為尊君之意也三揖至于
階三讓而升堂充其意諭其誠也於廟用祭器誠之
盡也君子於所尊敬不敢狎不敢狎故神明之神明
之故忠臣嘉賓樂盡其心也大夫立于東夾南西面
北上士立于門東北面西上小臣東堂下南面西上
宰東夾北西面南上內官之士在宰東北西面南上

百官有司備以樂養賢也設筵加席几致安厚之義也公設醬然後宰夫薦豆菹醢士設俎公設大羹然後宰夫設鉶啟篋言以身親之也賓徧祭公設梁宰夫膳稻士膳庶羞為殷勤也賓三飯飯梁以涪醬以君之厚已也賓必親徹有報之道也庭實乘皮侑以束帛雖備物猶欲其加厚焉也公拜送終之以敬也有司卷三牲之俎歸于賓館不敢褻其餘也上大夫八豆八簋六鉶九俎庶羞二十其餘衰見是德之殺也

君子言之曰愛人者使人愛之者也敬人者使人敬之者也親人者使人親之者也自卑者使人尊之者也是故公養賓國養賢其義一也未有愛之敬之親之尊之而其位不安者也未有不愛不敬不尊不親而能長有其國者也將由乎驕慢之君則將怡焉唯恐其不足於禮將由乎驕慢之君則將曰是食於我而已矣故禮君子所不足小人所泰餘也孔子食於少施氏將祭主人辭曰不足祭也將殮主人辭曰不

足飧也孔子退曰吾食而飽少施氏有禮哉故君子
難親也將親之舍禮何以哉



儀禮集編卷二十